



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 29. Concilium Marciacense.

---

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Sæcul. XIV. *Andrucius Affifinas, aliusque Episcopus*  
 A. C. 1326. *vitam posuere in primo aditu Indiae in-*  
 ferioris, & in regione crudelissima, ubi  
 multi alii mortui sunt ac sepulti. Dabam  
 Caitone an. 1326 mense Januario.

## §. XXIX.

*Concilium Marciacense.*

to. II. Conc.  
 p. 747.  
 Gall. Chr.  
 p. 994.

Sup. lib. 89.  
 §. 13.

Sub finem ejusdem anni nimirum die  
 lunæ 8 Dec. Guilielmus Flavacurtius  
 Archiepiscopus Auscitanus Marciaci sua  
 in diœcesi concilium provinciale cum  
 Suffraganeis suis habuit. Hic Præsul  
 in Vexinensi agro diœcesisque Rothoma-  
 genfi nobili natus genere, Vivarinus pri-  
 mum, dein Carcassonensis Episcopus Au-  
 gustam Ausciorum per Collegii suffragia  
 translatus fuit. At ista sedes diu vaca-  
 verat. Postremus quippe Archiepisco-  
 pus Amanixæus Armeniacensis e vita di-  
 scesserat 11 Sept. an. 1318, postquam  
 quinquaginta septem annis federat: &  
 Guilielmus Flavacurtius ejus possessionem  
 non prius cepit quam anno 1324 die  
 dominico post festum S. Philippi sexto  
 Maji.

c. 2. 3.

Hoc in concilio edebantur quinquaginta sex canones: in quibus observo sequentia. Proprii locorum Episcopi ad functiones sacras non admittant Clericos aut

aut Religiosos aliarum dioecesium sine litteris illorum, qui eis praesunt. Nam variis e terris hanc in provinciam veniunt Clerici, quorum plures, ut creditur, ex praescripto Canonum consecrati non sunt; plures proscripti, apostatae, ac improbi suos Episcopos ob crimina sua fugiunt. Concilium anathemate ferit hos externos non magis quam horum receptores litteris commendatitiis carentium. Prohibet, sicut reliqua ejusdem temporis concilia, ne laici ecclesiasticam jurisdictionem impediunt, vel turbent, Episcoporum litteras intercipient, lacerent, vel abscondant, latores earum capiant, aut verberent; ne per vim se curent absolvi a censuris, ad tribunal profanum traducant Clericos, causarumve sacrarum cognitionem capiant, vel perfugiorum libertatem infringant; ne vitae subsidia Clericis adimant vetando, nequis communi pretio eis vendat, vel ab iis emat quidpiam, illis frumentum molat, panemve coquat, vel alia praestet obsequia.

Declarat ad forum sacrum pertinere juramenta omnia etiam pactis adjuncta; & contra libertatem ecclesiasticam edita esse irrita & nulla. Praecipit, ut perjuri execratione solemni devinciantur. Cuius Parocho facienti rem divinam in templo suo unus saltem Clericus linteo indutus amiculo serviat. Omnes, qui ma-

Saecul. XIV.  
A.C. 1326

c. 6. 7.

c. 8. 9. 10.

c. 47.

c. 12. 13. 15.

c. 18.

c. 19.

Secul. XIV.  
A.C. 1326.

jores acceperunt ordines, omnes, qui beneficium possident præsertim animarum cura præditum, omnes Clerici Religiosi quotidie, ut tenentur, persolvant pensum horarium & in templo quidem, quotiescunque fieri potest. Interdicti tempore Canonici Clericique templorum, quæ cathedralia partim, partim collegialia vocantur, non careant quotidianis distributionibus. Clerici noctu non exeant domo sine lumine in locis, ubi hominibus profanis hoc non licet post sonitum æris campani vel tubæ.

c. 20.

c. 21. 23. 24.  
25.

Omittantur abusus in sepulturis tendentes maxime ad fraudanda jura suis templa parœciarum. Non edantur indecori clamores & lamenta in exequiis; ne divinum turbetur officium. Non disjungantur membra cadaverum diversis in locis humanda. Qui duobus dominicis diebus in templo parœciæ suæ sacrificio non interfuerint, nominatim proscribantur. Decimæ declarantur ex lege divina debitæ: ac poenæ plures irrogantur iis, qui illas non fideliter, aut non ante omnes alias pensiones solverent; qui alios ab illis pendendis averterent; qui perperam usurparent illas aut retinerent. Quælibet diœcesis contribuat ad sumptus litium, quas Ecclesiæ pauperes sustinere pro tuendis jura cogentur suis. Curiones parœciarum, in quibus

c. 26.

c. 28. 29. 30.  
31. 33.

c. 35.

c. 36.

quibus

quibus Religiosi jus patronatus obtinent, erunt perpetui, nec amoveri poterunt: ac Regulares, qui beneficiorum titulis gaudent, ibi resideant Episcoporum correctioni obnoxii, nec obstant illorum privilegia.

Sæcul. XIV.  
A. C. 1326.

Minuantur impensæ nimiae in inspectiones Archidiaconorum. Habeant ad summum quinque equos, ac totidem famulos pedites, nullos canes venaticos, nullas aves aucupes, suumque jus procurationis vel in victu accipiant, vel in pecunia. Veteres Sanctorum reliquiæ non monstrantur extra capsas suas; neque venales exponantur, nec recipiantur novæ a Romana Ecclesia non approbatæ: nullasque ferant ii, qui stipem colligunt ex officio; nec in templis verba faciant, præterquam in litteris scripta suis. Festus S. Marthæ dies in tota provincia Auscitana celebretur 29 Julii. Hic primum invenio id solenne hac die fixum, quæ etiamnum agitur. Antea decimo nono Januarii colebantur simul duæ Sorores Martha & Maria de Bethania. Sanctum chrisina & augustissimum Sacramentum sub fera custodiantur contra abusus ad maleficia. Non imponantur tributa Clericis, aut Religiosis, vel ob lepram inclusis valetudinario. Pensiones tunc exigebant in rem suam nonnulli Domini. Non oppignorentur Clerici vel bona eorum

c. 38. 39.

c. 41.

c. 42.

Baillet. 29.  
Jul. n. 7.

c. 44. 53. 54.  
55.

pro

Sæcul. XIV. pro debitis alienis. Nec occupentur de-  
A. C. 1327. posita in sacris ædibus.

## §. XXX.

*Ruffecinum concilium.*

*to. II. conc.*  
*p. 1773.*  
*Bal. to. I.*  
*p. 635.*

Elapsis sex hebdomadibus post id concilium die Mercurii post festum S. Hilarii anno 1326, scilicet 20 Januarii anno 1327 ante Pascha Arnaldus Chantelupius Archiepiscopus Burdigalensis nepos Cardinalis ejusdem nominis Ruffeci in dioecesi Pictaviensi pariter concilium provinciale habuit, ediditque duos canones, quorum primi summa est ista: Per alias sanctiones decrevimus, ut Judices alique laici, postquam commoniti fuerint, captos a se Clericos libertati restituerent: sin minus; ab officio divino cessaretur. At quotidie illorum plures experimur tam inhumanos, ut nemo vel monere illos possit, quin se innumeris exponat injuriis. Quapropter imperamus, ut Administratores Ecclesiarum ac beneficiorum, cum primum in loco, ubi resident, Clericum detineri resciverint, sine monitione ulla divinum officium, quamdiu durabit captivitas, omittant, alioquin ipso facto in anathema incurfuri. Alter canon permittit, ut Clerici, etiam Sacerdotes in foro profano causas Ecclesiarum  
 five